

四庫全書

集部

欽定四庫全書

御定全唐詩卷八百二十五

可止

可止姓馬氏范陽房山人長近體律詩乾寧中賜紫後
唐明宗令住持洛京長壽寺署號文智大師有三山集
今存詩九首

山居

雪消春力展花漫洞門垂果長纖枝曲巖崩直道移重

猿圍淺井鬪鼠下疎籬寒食微燈在高風勢徹陂

贈樊川長老

一作清尚詩

瘦顏顴骨見滿面雪毫垂坐石鳥疑死出門人謂癡
照身潭入楚浸影檜生隋太白曾經夏清風涼四肢

寄積麥山會如長老

默然如大道塵世不相關青檜行時靜白雲禪處閑
貧高一生行病長十年顏夏滿期遊寺尋山又下山

送僧

四海無拘繫行心興自濃百年三事衲萬里一枝筇夜
減當晴影春消過雪蹤白雲深處去知宿在何峯

哭賈島

燕生松雪地蜀死葬山根詩僻降今古官卑悞子孫塚
欄寒月色人哭苦吟魂墓雨滴碑字年年漆蘚痕

雪十二韻

落處咸過尺脩然物象淒瑞凝金殿上寒甚玉關西潤
比江河普明將日月齊凌雲花頂膩鎖徑竹梢低出谷

樵童怯歸林野鳥迷煮茶融破練磨墨染成黥陷免埋
平澤和魚凍合溪入樓消酒力當檻寫詩題道路依憑
馬朝昏委託雞洞深猿作族松亞鶴移棲及夏清巖穴
經春溜石梯豐年兼泰國天道育黔黎

精舍遇雨

空門寂寂淡吾身溪雨微微洗客塵卧向白雲情未盡
任他黃鳥醉芳春

小雪

落雪臨風不厭看
更多還恐蔽林巒
愁人正在書窗下
一片飛來一片寒

送婆羅門僧

雪嶺金河獨向東
吳山楚澤意無窮
如今白首鄉心盡
萬里歸程在夢中

句

不知誰會喃喃語
必向王前報太平

中山節度王處直
座詠白鵲時諸侯

兼并王欲繼好息
民故云高僧傳

雲表

雲表唐末於豫章講法華慈恩大疏法席稱盛詩一首

寒食日

寒食悲看郭外春野田無處不傷神平原累累一作累累添

一作傷新塚半一作總是去年來哭人

歸仁

歸仁唐末江南僧住京洛靈泉詩六首

自遣

日日為詩苦誰論春與秋一聯如得意萬事總忘憂
雨墮花臨砌風吹竹近樓不吟頭也白任白此生頭

酬沈先輩卷

一百八十首清冷韻可敲任從人不愛終是我難拋
桂魄吟來滿蒲團坐得凹先生聲價在寰宇幾人抄

題賈島吟詩臺

此臺如可廢此恨有誰平縱使迷青草終難沒舊名
天悲朝雨色嶽哭夜猿聲不是心偏苦應關自古情

悼羅隱

一著譏

一作謝

書未快心幾抽胸臆縱狂吟管中窺豹我

猶在海上釣鼉君也沈歲月盡能消憤懣寰區那更有
知音長安冠蓋皆塗地仍喜先生葬碧岑

題楚廟

羞容難更返江東誰問從來百戰功天地有心歸道德
山河無力為英雄蘆花尚認霜戈白海日猶思火陣紅
也是男兒成敗事不須惆悵對西風

牡丹

三春堪惜牡丹奇，半倚朱欄欲綻時。
天下更無花勝此，人間偏得貴相宜。
偷香墨蟻斜穿葉，覩蕊黃蜂倒挂枝。
除却解禪心不動，算應狂殺五陵兒。

卿雲

卿雲唐末嶺南僧詩四首

舊國里

一作舊里

舊居梨

一作黎

嶺下風景近炎方，地暖生春早

一作草

家貧

覺歲長石房雲過濕杉

一作松

徑雨餘香日夕竟

一作久覺

無

事詩書聊自強

秋日江居閒詠

寄居江島邊閒詠見

一作幾

秋殘草薄牛羊瘦

一作覆

風高

猿鳥寒檢方醫故疾挑薺脩中餐時復停書卷鉏莎種

木蘭

長安言懷寄沈彬侍郎

故園梨

一作黎

嶺下歸路接天涯生作長安草勝為邊地

花雁南飛不到書
北寄來賒堪羨
神仙客青雲早致家

送人游塞

去去玉關路
省君曾未行
塞深多伏寇
時靜亦一作欲屯

兵雪每先秋
降花嘗近夏
生閑陪射鵬
將應到受降城

隱巒

隱巒唐末匡廬僧詩五首

逢老人

路逢一老翁
兩鬢白如雪
一里二里行
四回五回歇

牧童

牧童見人俱不識

一作會

盡著芒鞋戴箬笠
朝陽未出衆

山晴露滴蓑衣猶半濕
二月三月時平原草初綠
三箇五個騎羸牛
前村後村來放牧
笛聲纔一舉衆稚齊歌
舞
看看白日向西斜
各自騎牛又歸去

蜀中送人游廬山

君游正值芳春月
蜀道千山皆秀發
溪邊十里五里花
雲外三峯兩峯雪
君上匡山我舊居
松蘿拋擲十年餘

君行試到山前問山鳥只今相憶無

琴

七條絲上寄深意澗水松風生十指自乃知音猶尚稀
欲教更入何人耳

浮橋

橫壓驚波防沒溺當初元朔是軍機行人到此全無滯
一片江雲踏欲飛

冷然

冷然唐末僧詩一首

宿九華化成寺莊

佛寺孤莊千障間
我來詩境強相關
巖邊樹動猿下澗
雲裏錫鳴僧上山
松月影寒生碧落
石泉聲亂噴潺湲
明朝更躡層霄去
誓共煙霞到老閑

大愚

大愚鄴都青蓮寺沙門詩一首

乞荆浩畫

六幅故牢健知君恣筆蹤不求千澗水止要兩株松樹
下留盤石天邊縱遠峰近巖幽濕處惟藉墨煙濃

懷濬

懷濬秭歸郡僧詩二首

上歸州刺史代通狀二首

懷濬能逆知未兆之事東里人以神聖待

之刺史于公捕詰乃以詩通狀于異而釋之

家在閩山西復西其中歲歲有鶯啼如今不在鶯啼處
鶯在舊時啼處啼

家在閩山東復東其中歲歲有花紅而

如一作

今不在花

紅處花在舊時紅處紅

恒超

恒超姓馮氏范陽人居棣州開元寺終于後漢之乾祐
詩一首

辭郡守李公恩命

虛著褐衣老浮杯道不成誓傳經論死不染利名生厭
樹遮山色憐窗向月明他時隨范蠡一棹五湖清

淨顯

淨顯五代時洛陽首座沙門詩一首

題廣愛寺楞伽山

靈異不能棲鳥雀幽竒終不著猿獠為經巢賊應無損
縱使秦驅也謾勞珍重昔賢留像迹陵遷谷變自堅牢

失二句

修雅

修雅唐法師詩一首

聞誦法華經歌

山色沈沈松煙暮暮空林之下盤陀之石石上有僧結
跏橫膝誦白蓮經從旦至夕左之右之虎跡狼跡十片
五片異花狼籍偶然相見未深相識知是古之人今之
人是雲彥是雲翼我聞此經有深旨覺帝稱之有妙義
合目冥心子細聽醍醐滴入焦腸裏佛之意兮祖之髓
我之心兮經之旨可憐彈指及舉手不達目前今正是
大矣哉甚奇特空王要使羣生得光輝一萬八千土土

土皆作黃金色四生六道一光中狂夫猶自問彌勒我
亦當年學空寂一得無心便休息今日親聞誦此經始
覺驢乘非端的我亦當年不出戶不欲紅塵沾步武今
日親聞誦此經始覺行行皆寶所我亦當年愛吟咏將
謂冥搜亂神定今日親聞誦此經何妨筆硯資真性我
亦當年狎兒戲將謂光陰半虛棄今日親聞誦此經始
覺聚沙非小事我昔曾游山與水將謂他山非故里今
日親聞誦此經始覺山河無寸地我昔心猿未調伏常

將金鎖虛拘束今日親聞誦此經始覺無物爲拳拳師
誦此經經一字字字爛嚼醍醐味醍醐之味珍且美不
在唇不在齒只在勞生方寸裏師誦此經經一句句句
白牛親動步白牛之步疾如風不在西不在東只在浮
生日用中日用不知一何苦酒之腸飯之腑長者揚聲
喚不迴何異聲何異聲世人之耳非不聰耳聰特向經
中聾世人之目非不明目明特向經中盲合聰不聰合
明不明轆轤上下浪死虛生世人縱識師之音誰人能

識師之心世人縱識師之形誰人能識師之名師名醫
王行佛令來與衆生治心病能使迷者醒狂者定垢者
淨邪者正凡者聖如是則非但天恭敬人恭敬亦合龍
讚詠鬼讚詠佛讚詠豈得背覺合塵之徒不稽首而歸
命

元寂

元寂俗姓高居昇元寺保大中授左街僧錄內供奉賜
紫坐飲酒狂歌落職後醉死于石子岡詩一首

歌

馬令書云寂日以狂歌為事大醉則十數小兒隨之行歌于路與羣兒互相應和旁若無

人

酒禿酒禿何榮何辱但見衣冠成古丘不見江河變陵谷

若虛

若虛南唐僧隱廬山石室李主累徵不就詩三首

懷廬山舊隱

九疊嵯峨倚著天悔隨寒瀑下巖煙深秋猿鳥來心上

夜靜松杉到眼前書架想遭苔蘚裏石窗應被薜蘿纏
一枝筇竹游江北不見爐峰二十年

樂仙

一作真觀

樂氏騎龍上碧天東吳遺宅尚依然悟來大道無多事

真後丹元

一作經
一作丸

不值錢老樹夜風蟲咬葉古垣春雨

蘚生甑

一作
一作

松傾鶴

一作馬

死桑田變

一作宅

華表歸鄉未

有年

古鏡

軒后紅

一作洪

爐獨鑄成，鮮痕磨落月輪呈。萬般物象皆

能鑒，一箇人心不可明。匣內乍開鸞鳳活，臺前高挂鬼神驚。百年肝膽堪將比，祇怕看頻素髮生。

文益

文益餘杭人，姓魯，住金陵清涼寺。世稱法眼宗。詩一首。

覩木平和尚

木平山裏人，貌古年

一作言

復少。相看陌路同，論心秋月

皎懷

一作壞

衲線非蠶助，歌聲有鳥城闕。今日來一謳

一作

漚
曾已曉

无則

无則五代時人爲法眼文益禪師弟子詩三首

鷺鷥

白蘋紅蓼碧江涯
日煖雙雙立睡時
願揭金籠放歸去
却隨沙鶴鬪輕絲

百舌鳥二首

千愁萬恨過花時
似向春風怨別離
若使衆禽俱解語

一生懷抱有誰知

長截隣雞叫五更數般名字百般聲饒伊搖舌先知曉
也待青天明即鳴

謙光

謙光金陵人素有才辨江南國主禮之詩一首

賞牡丹應教

擁袖對芳叢由來事不同鬢從今日白花似去年紅艷
異隨朝露馨香逐曉風何須對零落然後始知空



御定全唐詩卷八百二十五



欽定四庫全書

集部

御定全唐詩卷八百二十六至

詳校官庶吉士_臣何道沖

主事銜_臣徐坤覆勘

總校官知縣_臣繆琪

校對官學正_臣李巖

謄錄監生_臣于時和

欽定四庫全書

御定全唐詩卷八百二十六

貫休

貫休字德隱俗姓姜氏蘭溪人七歲出家日讀經書千
字過目不忘既精奧義詩亦奇險兼工書畫初為吳越
錢鏐所重後謁成汭荆南汭欲授書法休曰須登壇乃
授汭怒遷放之黔天復中入益州王建禮遇之署號禪
月大師或呼為得得來和尚終於蜀年八十一初有西

嶽集吳融為序極稱之後弟子曇域更名寶月集其全集三十卷已亡胡震亨謂宋睦州刻本多載他人詩不足信其說亦不知何據胡存詩僅三卷今編十二卷

善哉行

傷古曲
無知音

有美一人兮婉如清揚識曲別音兮令姿煌煌繡袂捧琴兮登君子堂如彼萱草兮使我憂忘欲贈之以紫玉尺白銀鐙久不見之兮湘水茫茫

讀離騷經

湘江濱湘江濱蘭紅芷白波如銀終須一去呼湘君問
湘神雲中君不知何以交靈均我恐湘江之魚兮死後
盡為人曾食靈均之肉兮箇箇為忠臣又想靈均之骨
兮終不曲千年波底色如玉誰能入水少取得香沐
題貢上國貢上國即全勝和璞懸璆垂棘結綠

陽春曲

江東廣
明初作

為口莫學阮嗣宗不言是非非至公為手須似朱雲輩
折檻英風至今在男兒結髮事君親須數前賢多慷慨

歷數雍熙房與杜魏公姚公宋開府盡向天上仙宮間
處坐何不却辭上帝下下土忍見蒼生苦苦苦

白雪曲

列鼎佩金章淚眼看風枝却思食藜藿身作屠沽兒負
米無遠近所希升斗歸為人無貴賤莫學雞狗肥斯言
如不忘別更無光輝斯言如或忘即安用人為

上留田

父不父兄不兄上留田蝥賊生徒陟岡淚崢嶸我欲使

諸凡鳥雀盡變為鵲鴿我欲使諸凡草木盡變為田荆
鄰人歌鄰人歌古風清清風生

了仙謠

海中紫霧蓬萊島安期子喬去何早遊戲多騎白騏驎
鬚髮如銀未曾老亦留仙訣在人間齧鋌終言藥非道
始皇不得此深旨遠遣徐福生憂惱紫朮黃精心上苗
大還小還行中寶若師方術棄心師浪似雪山何處討

何一
作無

苦寒行

北風北風職何嚴毒摧壯士心縮金烏足凍雲囂囂礙
雪一片下不得聲遠枯桑根在沙塞黃河徹底頑直到
海一氣搏束萬物無態唯有吾庭前杉松樹枝枝健
在

萬里

一本有
曲字

兔不遲烏更急但恐穆王八駿著鞭不及所以萬里墳
出戢戢氣凌雲天龍騰鳳集盡為風消土喫孤掇蟻拾

黃金不啼玉不泣白楊騷屑亂風愁月折碑石人莽穢
榛沒牛羊窻窳時見牧童兒弄枯骨

臨高臺

涼風吹遠念使我升高臺寧知數片雲不是舊山來故
人天一涯久客殊未回鴈來不得書空寄聲哀哀

杞梁妻

秦之無道兮四海枯築長城兮遮匈奴築人築土一萬
里杞梁貞婦啼鳴鳴上無父兮中無夫下無子兮孤復

孤一號城崩塞色苦再號把梁骨出土疲魂飢魄相逐
歸陌上少年莫相非

古離別

離恨如旨酒古今飲皆醉只恐長江水盡是兒女淚伊
余非此輩送人空把臂他日再相逢清風動天地

戰城南二首

萬里桑乾傍茫茫古蕃壤將軍貌憔悴撫劍悲年長冠
兵尚陵逼久住亦非強邯鄲少年輩箇箇有伎倆拖槍

半夜去雪片大如掌

磧中有陰兵戰馬時驚蹶輕猛李陵心摧殘蘇武節黃
金鎖子甲風吹色如鐵十載不封侯茫茫向誰說

少年行

紀事作公子行一本後二首作公子行
休入蜀王建遇之甚厚一日召令誦

近詩時貴戚皆坐休欲諷之乃
稱公子行建善之貴倖皆怨之

錦衣鮮華手擎鵝閒行氣貌多輕忽稼穡艱難總不知

五帝三皇

一作王是何物

自奉五色裘送入他人宅却捉蒼頭奴玉鞭打一百

面白如削玉猖狂曲江曲馬上黃金鞍適來新賭得

夢遊仙四首

夢到海中山入箇白銀宅逢見一道士稱是李八伯
三四仙女兒身著瑟瑟衣手把明月珠打落金色梨
車渠地無塵行至瑤池濱森森椿樹下白龍來嗅人
宮殿崢嶸籠紫氣金渠玉砂五色水守闔仙婢相倚睡
偷摘蟠桃幾倒地

輕薄篇二首

繡林錦野春態相壓誰家少年馬蹄跼跼鬪雞走狗夜
不歸一擲賭却如花妾誰云一作惟言不顛不狂其名不彰

悲夫

木落蕭蕭蟲一作蛩

鳴唧唧不覺朱萸臉紅霜却鬢漆世

途多事泣向秋日方今少壯不努力老大徒傷悲如何

長安道

憧憧合合八表一轍黃塵霧合車馬火熱名湯風雨利
輾霜雪千車萬馱半宿關月上有堯禹下有夔禹紫氣

銀輪兮

一本無兮字

常覆金闕仙掌捧日兮

一本無兮字

濁河澄

澈愚將草木兮有言

一本作有言有言

與華封人兮不別

一本作不別不

別

洛陽塵

昔時昔時洛城人今作茫茫洛城塵我聞富有石季倫
樓臺五色千星辰樂如天樂日夜聞錦妹繡妾何紛紛
真珠簾中姑射神人文金線玉香成暮雲孫秀若不殺
晉室應更貧伊水削行路塚石花磷磷蒼茫金谷園牛

羊甌荆榛飛鳥好羽毛疑是綠珠身

富貴曲二首

有金張族驕奢相續瓊樹玉堂雕牆繡轂紈綺雜鐘
鼓合合美人如白牡丹花半日只舞得一曲樂不樂足
不足爭教他愛山青水綠

如神若仙似蘭同雪樂戒于極胡不知輟只欲更綴上
落花恨不能把佳明月太山肉盡東海酒竭佳人醉唱
敲玉釵折寧知耘田車水翁日日炙背欲裂

野田黃雀行

高樹風多吹爾巢落深蒿葉暖宜爾依泊莫近鴉類蛛
網亦惡飲野田之清水食野田之黃粟深花中睡埽土
裏浴如此即全勝啄太倉之穀而更穿人之屋

古意九首

一雨火雲盡閉門心冥冥蘭花與芙蓉滿院同芳馨佳
人天一涯好鳥何嚶嚶

一作
嚶鳴

我有雙白壁不羨于虞卿

我有徑寸珠別是天地精玩之室生白瀟灑身安輕只

應天上人見我雙眼明

陽烏爍萬物草木懷春恩茫茫塵土飛培塿名利根我
本是蓑笠幼知天子尊學為毛氏詩亦多直致言不慕

需臍

一作
蠕蠕

類附勢同崩奔唯尋桃李蹊去去長者門

美人如游龍被服金鴛鴦手把古刀尺在彼白玉堂文
章深劖子夏珂佩鳴丁當好風吹桃花片片落銀床何妨

學

一作
當舉

羽翰遠逐朱鳥翔

乾坤有清氣散入詩人脾聖賢遺清風不在惡木枝千

人萬人中一人兩人知憶在東溪日花開葉落時幾作

我擬以黃金鑄作鍾子期

莫輕白雲白不與風雨會莫見守羊兒或是初平輩人

生非日月光輝豈常在一榮與一辱古今

一作今古

常相對

君

一本無君字

不見于公門子孫好冠蓋

古交如真金百煉色不回今交如暴流倏忽生塵埃我

願君子氣散為青松栽我恐荊棘花只為小人開傷心

復傷心吟上高高臺

常思謝康樂文章有神力是何清風清凜然似相識一
種為頑嚚得作翻經石一種為枯槁得作登山屐永嘉
為郡後山水添鮮碧何當學羽翰一去觀遺跡

常思李太白仙筆驅造化玄宗致之七寶床虎殿龍樓
無不可一朝力士脫靴後玉上青蠅生一箇紫皇殿前
五色麟忽然掣斷黃金鎖五湖大浪如銀山滿船載酒
搥鼓過賀老成異物顛狂誰敢和寧知江邊墳不是猶

醉卧

憶在山中時丹桂花葳蕤紅泉浸瑤草白日

一作日夕

生華

滋箬屋開地鑪翠牆挂藤衣看經竹窗邊白猿三兩

一作

四枝東峰有老人眼碧頭骨竒種薤煮白石旨趣如嬰

兒月上來打門月落方始歸授我微妙訣恬澹

一作然

無

所為別來六七年只恐白日飛

酷吏詞

唐末寇亂休避地渚宮荆帥高氏優待之館于龍興寺會有謁宿話時政不治

乃作酷吏

詞以刺之

霰雨霽霽風吼如斲有叟有叟暮投我宿吁歎自語云

太守酷如何如何掠脂幹肉吳姬唱一曲等閒破紅束
韓娥唱一曲錦段鮮照屋寧知一曲兩曲謔曾使千人
萬人哭不惟哭亦白其頭飢其族所以祥風不來和氣

一作風

不復蝗乎

一作分

賊乎

一作分

東西南北

還舉人歌行卷

厚於鐵圍山上鐵薄似雙成仙體顯蜀機鳳雛動楚薺
珊瑚枝枝撐著月王愷家中藏難掘顏回飢僝愁天雪
古松直筆雷不折雪衣女啄蟠桃缺佩入龍宮步遲遲

繡簾銀殿何參差
即不知驪龍失珠知不知

陳宮詞

緬想當時宮闕盛
荒宴椒房懷堯聖
玉樹花歌百花裏
珊瑚窗中海日迸
大臣來朝酒未醒
酒醒忠諫多不聽
陳宮因此成野田
耕人犁破宮人鏡

擬齊梁酬所知見贈二首

靜只焚香坐詠懷
悲歲闌佳人忽有贈
滿手紅琅玕不獨
耀肌魄將行為羽翰
酬如上青天風雪空
漫漫

美如仙鼎金清如織手琴孫登嘯一聲縹緲不可尋但
覺神洋洋如入三昧林釋手復在手古意深復深慚無
英瓊瑤何以酬知音

經古戰場

茫茫凶荒迴如天設駐馬四顧氣候迂結秋空崢嶸黃
日將沒多少行人白日見物莫道路高低盡是戰骨莫
見地赤碧盡是征血昔人昔人既能忠盡于力身糜戈
戟脂其風膏其域今人何不繩其膝植其食而使空曠

年年常貯愁煙使我至此不能無言

村行遇獵

獵師紛紛走榛莽女亦相隨把弓矢南北東西盡殺心
斷燒殘雲在圍裏鷗拂荒田兔成血竿打黃茅雉驚起
傷嗟箇輩亦是人一生將此闕身已我聞天地之大德
曰生又聞萬事皆天意何遣此人又如此猶更願天公
一大雪深山麋鹿盡凍死

漁家

赤蘆蓋屋低壓恰沙漲柴門水痕疊黃雞青犬花蒙籠
漁女漁兒掃風葉有叟相逢帶秋醉自拔船棹色無媿
前山脚下得魚多惡浪堆中盡頭睡但得忘筌心自樂
肯羨前賢釣清渭終須畫取挂秋堂與爾為鄰有深意

田家作

田家老翁無可作畫甌蒸梨香漠漠只向堦前曝背眠
赤桑大葉時時落古塹侵門桃竹密倉囤峨峨欲遮一作

蔽日自云孫子解耕耘四五年來腹多寔我聞此語心

自悲世上悠悠豈得知稼而不穡徒爾為

江邊祠

松森森江渾渾江邊古祠空閉門精靈應醉社日酒白
龜咬斷菖蒲根花殘冷紅宿雨滴土龍甲濕鬼眼赤天
符早晚下空碧昨夜前村行霹靂

苦熱寄赤松道者

天雲如燒人如炙天地鑪中更何適蟬喘雷乾冰井融
此子清風有何益守羊真人眎之役高吟招隱倚碧壁

紫氣紅煙鮮的的澗茗園瓜麴塵色驕冷奢涼合相憶

偶作二首

新詩一千首古錦初下機除月與鬼神別未有人知子
期去不返浩浩良不悲不知天地間知者復是誰

門前數枝路路路車馬鳴名埃與利塵千里萬里行只
見青山高豈見青山平朱門勢峨峨冠蓋何光明黃鳥
在花裏青蟬奪其聲爾生非金玉豈常貴復貞寄言之
子心可以歸無形

夜一作秋夜曲

蟋蟀切切風騷騷芙蓉噴香蟾蜍高孤燈耿耿征婦勞

更深撲落金錯刀

春晚書山家

一本有主人二字

屋壁二首

柴門寂寂黍飯馨山家煙火春雨晴庭花濛濛水泠泠

小兒啼索樹上鶯

水

一作樣

香塘黑蒲森森鴛鴦瀟瀟如家禽前村後壟桑

柘深東鄰西舍無相侵蠶娘洗蠶前溪淙牧童吹笛和

衣浴山翁畱我宿又宿笑指西坡瓜豆熟

春晚閒居寄陳嵩伯

春霖閉門久春色聚庭木一夢辭舊山四鄰有新哭菰蒲生白水風篁擢纖玉為憶湖上翁花時獨瞑目

長持經僧

嘵嘵長夜坐嘵嘵早起杉森森不見長人聲續續如流水擬金掙玉吐宮嚙徵頭低草木手合神鬼日消三兩黃金爭得止

佛言常持經者可日食三兩金

而槁木朽枝一食而已傷

嗟浮世之人善事不曾入耳

茫茫曲

茫茫復茫茫滿眼皆埃塵莫言白髮多莖莖是愁筋未
達苦雕偽及達多不仁淺深與高低盡能生棘榛茫茫
四大愁殺人

古鏡詞上劉侍郎

至寶不自寶照古還照今仙人手胼胝寥泬秋沈沈不
是十二面不是百煉金若非八彩睂不可輒照臨即歸

玉案頭為君整冠簪即居吾君手照出天下心恭聞太
宗朝此鏡當宸襟六合懸清光萬里無塵侵此鏡今又
出天地還得一

送姜道士歸南岳

缺二字

松品落落雪格索索眼有三角頭峭五岳若不居岳此
處難著藥僮貌蠻名鄙彼葫蘆酒滿擔劣起萬里長風
嘯一聲九貞須拍黃金几落葉蕭蕭杳送師言了
意未了意未了他時為我致取一部音聲鳥

御定全唐詩卷八百二十六

欽定四庫全書

御定全唐詩卷八百二十七

貫休

循吏曲上王使君

需宿需宿炳爛光合蒸蒸嫫民鍾此多福自東自西自
南自北伊飛伊走乳乳良牧和氣無形春光自成大信
不信貽厥無朕需女需女爾亦須語使君為理玄風震
古需女需女爾亦須語我願喙長三千里枕著玉階奏

明主

古鏡詞

我有一面鏡新磨似秋月上唯金膏香下狀驪龍窠等閒不欲開醜者多不悅或問幾千年軒轅手中物

懷張為周朴

張周二夫子詩好人太癖更不過嶺來如今頭盡白人傳禹力不到處河聲流向西周又到處即閉戶逢君方展看張不知是不是若是即大哥我又聞二公心與人

不同一生常在寂寞中有時狂吟入僧宅錦囊烏啼荔枝紅有時冥搜海山腦珊瑚枝動日杲杲聖君在上知不知赤面濁醪許多好

題弘顓三藏院

儀清態淡雕瓊瓊捲簾瀟灑無塵埃嶽茶如乳庭花開信心弟子時時來灌頂壇嚴伸福塞三十年功苦拘束梵僧夢裏授微言雪嶺白牛力深得

師曾受神僧真言於夢中水精

一索香一爐紅蓮花舌生醍醐初聽喉音寶樓閣如聞

魔王宮殿拉

一作掠

金瓦落次聽妙音大隨求更覺人間

萬事深悠悠四音俱作清且柔愛河濁浪却倒流却倒
流兮無處去碧海含空日初曙

古意代友人投所知

青松雖有花有花不如無貧井泉雖清且無金轆轤客
從遠方來遺我古銅鏡挂之玉堂上如對軒轅聖天龍
睡坤腹土蝕金鬣緣因知燕趙佳人顏似玉不得此鏡

終不

缺一字

聞知已入翰林

天驥頭似烏髯忽四天下南金色如樵入火不見火吾
交二名士遽立于帝左鳳姿既出世大意囑在我奇哉
子淵頌無可無不可

上裴大夫二首

我有一端綺花彩鸞鳳羣佳人金錯刀何以裁此文

我有白雲琴樸斲天地精俚耳不使聞慮同衆樂聽指

指法仙法

應作指

聲聲聖人聲一彈四時和再彈中古清

庭前梧桐枝颯颯南風生還希師曠懷見我心不輕

上劉商州

周邵吁噓氣結為禎祥雲容從遠方來持此將贈君時
命偶不謬授館終南東惜惜良吏師不寐如老農丘軻
文之天代天有餘功代天復代天后稷何所從

閒居擬齊梁四首

夜雨山草滋爽籟生古木閑吟竹仙侶清於嚼金玉蟋
蟀啼壞牆苟免悲局促道人優曇花迢迢遠山綠

果熟無低枝
芳香入屏帷
故人久不來
萱草何離離
苦吟齋貌減
更被杉風吹
獨賴湖上翁
時為烹露葵

紅藕映嘉魴
澄池照孤坐
池痕放文彩
雨氣增慵惰
山翁寄朮藥
幸得秋病可
終召十七人
雲中備香火

清氣生滄洲
殘雲落林藪
放鶴久不歸
不知更歸否
支策到江湄
江皋木葉飛
自憐為客遠
還如鵲遶枝
南枝復北枝
玉露沾毛衣

塞上曲二首

錦袷健兒黑如漆騎羊上冰如箭疾蒲萄酒白雕腊紅
苜蓿根甜沙鼠出單于右臂何須斷天子昭昭本如日
一握鬢髻一握絲須知只為平戎術

去年轉鬪陰山脚生得單于却放却今年深入于不毛
寇兵拔帳遺弓刀男兒須一作貴展平生志為國輸忠合

天地甲穿雖即

一作則

失黃金劒缺猶能生紫氣塞草萎

萎兵士苦橫刀擔死清邊土封侯十萬始無心玉關凱

一作生入君看取

擬齊梁體寄馮使君三首

庭鳥多好音相呼灌木中竹房更何有還如鳥巢空賴
逢富人侯真東晉謝公煌煌發令姿珂珮鳴丁冬故山
有深霞未如旌旗紅慚非衛霍松何以當清風

露益蟬聲長蕙蘭垂紫帶清吟待明月孤雲忽為蓋伊
余石林人本是燒畬輩頻接謝公棊輸多未曾賽

大道貴無心聖賢為始慕秋空共澄潔美玉同貞素偉
哉桐江守雌黃出金口為文能廢興談道弭空有雪林

槁枯者坐石聽亦久還疑紫磨身成居靈運後

書匡山老僧菴

筓簪紅實好鳥語銀髯瘦僧貌如祖香煙濛濛衣上聚

冥心縹緲

一作涉涉

入鐵圍白磨作夢枕藤履東峯山媪貢

瓜乳

讀顧況歌行

雪泥露金冰滴瓦楓檉火著僧留坐忽覩翁

況別號一

軸歌始覺詩魔辜負我花飛飛雪霏霏三珠樹曉珠纍

纍妖狐爬出西子骨雷車撈破織女機憶昔鄱陽寺中
見一碣逋翁詞分逋翁札庾翼未伏王右軍李白不知
誰擬殺別別若非仙眼應難別不可說不可說離亂亂
離應打折

冬末病中作二首

冬風吹草木亦吹我病根故人久不來冷落如丘園
龍與摩詰吁歎非不聞願惟年少時未合多憂懃風鍾
遠孤枕雪水流凍痕空餘微妙心期空靜者論

胸中有一物旅拒復攻擊向下還上來唯疑是肺石山
童頑且小用之復何益教洗煮茶鐺雪團打鄰壁宛轉
無好姿裴回更何適庭前早梅樹坐見花盡碧屋老多
鼠窠窗卑一本露山脊近來胸中物已似輪藥力微吟
復微吟依稀似莊舄

遇葉進士

文章擬真宰儀冠冷如壁山寺偶相逢眼青勝山色氣
隆多慷慨語澹無他力金繩殘果落竹閣涼雨滴自媿

龍鍾人見此沖天翼

寄杜使君

清辰捲珠簾盥漱香滿室杉松經雪後別有精彩出琅
函芙蓉書開之向堦日好鳥常解來孤雲偶相失有時
作章句氣概還鮮逸茫茫世情世誰人愛真實清高慕
玄度宴默攀道一殘磬隔風林微陽解冰筆亦知休明
代諒無經濟衙門前九箇峯終擬為文乞

寄高員外

冷冽蒼黃風似劈雪骨冰筋滿瑤席庭松流汗相抵喫
霜絮重裘火無力孤峯地鑪燒白樨龐眉道者應相憶
儵忽維陽歲云暮寂寥不覺成章句惟應將寄藥珠宮
人一作禪刹雲深一來去

書陳處士屋壁二首

有叟傲堯日髮白肌膚紅妻子亦讀書種蘭清溪東

處士

有種
蘭篇

白雲有奇色紫桂含天風即應迎鶴書肯羨於洞

洪高步前山前高歌北山北數載賣甘橙山貲近云足

新詩不將出往往僧乞得唯云李太白亦是偷桃賊吟
狂鬼神走酒釀天地炁青蛄生堦除顚之東成東

對月作

今人看此月古人看此月如何古人心難向今人說古
人求祿以及親及親如之何忠孝為朱輪今人求祿唯
庇身庇身如之何惡木多斜文斜文復斜文顚室何紛
紛

山茶花

風裁日染開仙圃
百花色死猩血謬
今朝一朵墮堦前
應有看人怨孫秀

上孫使君

三十九句
缺一字

聖主得賢臣
天地方交泰
恭惟嶽精粹
多出於昭代
君侯握文鏡
獨立塵埃外
王演俗容儀
崔陵小風概
馨香擁蘭雪
峻秀高嵩岱
嵒松領歲寒
莊劍無礪淬
威稜玉霜直
匠石金槌大
詩穿明月珠
道拍安期背
中興鸞鳳集
直道風雲會
萬卷似無書
三山如歷塊
德乎天所縱

清矣誰堪對有法在朝端無塵到冠蓋具瞻從密勿旦
夕調鼎鼎為君整衛尊為君戢蕃塞豈知吾后意憂此
毗陵最親手賜彤弓蒼生是繫賴下車鄰寇散是物冰
壺內龔遂喪廉平次公太繁碎袴襦砧動地父母歌闌
闌闌雪鏢戈鋌非煙遠旌旆寧思子產冰宵羨任棠薤
忽如春再來不獨天重戴昂藏海嶠鶴冷碧仙庭檜物
物動和氣家家有新態芙蓉開帝幕錦帳無纖瑤鼓角
穿凍雲恩波動耕耒奸回改精魄禮教書紳帶必于堯

卷一百二十一
舜日還似房杜輩野人有章句格力亦慷慨若不入丘
門世間更誰愛

哭靈一上人

一公何不在空有遠公名共說岑山路今時不可行舊
房松更老新塔草初生經論傳緇侶文章遍墨鄉禪林
枝幹折法宇棟梁傾誰俊修僧史應知傳已成

行路難

君不見山高海深人不測古往今來轉青碧淺近輕浮

莫與交地卑只解生荆棘誰道黃金如糞土張耳陳餘
斷消息行路難行路君自看

不會當時

一作初

作天地剛有多般愚與智到頭還用真

宰心何如上下皆清氣大道冥冥不知處那堪頓得義
和轡義不義兮仁不仁擬學長生更容易負心

一作薪

為

鑪復為火緣木求魚應且止君不見燒金煉石古帝王
鬼火熒熒白楊裏

君不見道傍廢井生古木本是驕奢貴人屋幾度美人

照影來素綆銀鉶濯纖玉雲飛雨散今如此繡闥雕甍
作荒谷沸渭笙歌君莫誇不應常一作長是西家哭休說
遺編行者幾至竟終須合天理敗他成此亦何功蘇張
終作多言鬼行路難行路難不在羊腸裏

九有茫茫共堯日浪死虛生亦非一清淨玄音竟不聞
花眼酒腸暗如漆或偶因片言隻字登第光二親又不
能獻可替否航要津口譚羲軒與周孔履行不及屠沽
人行路難行路難日暮途遠空悲歎

君不見道傍樹有寄生枝青青鬱鬱同榮衰無情之物

尚如此為人不及還堪悲父歸墳兮未朝一作期夕已分

黃金爭田宅高堂老母頭似霜一作雪心作數支一作枝淚

常滴我聞忽如負芒刺不獨為君空歎息古人尺布猶

可縫潯陽義犬一作夫令人憶寄言世上為人子孝義團

圓莫如此若如此不遑死兮更何俟

泊秋江

岸如洞庭山似剡船漾清溪涼勝簟月白風高不得眠

枯葦叢邊釣師魔

嘲商客

葦蕭蕭風撼撼落日江頭何處客
斜倚帆檣不喚人五湖浪向心中白

寄王滌

梅月多開戶衣裳潤欲滴寂寥雖無形
不是小讐敵地虛草木壯雨白桃李赤
永日無人來庭花苦狼籍吟高好鳥覩
風靜茶煙直唯思菜子來衣拖五般色

上馮使君五首

撐船碧江上春日何遲遲汀花最深處拾得鴛鴦兒
漁父無憂苦水仙亦何別眠在綠葦邊不知釣筒發
樵叟無憂苦地仙亦何別茆屋岸花中弄孫頭似雪
扣舷得新詩茶煮桃花水辟辟數片帆去去殊未已
仁政無不及乳獺將子行誰家苦竹林中有讀書聲

擬一本無君子有所思二首
擬字

我愛正考甫思賢作商頌我愛揚子雲理亂皆如鳳振

夜中夜起露花香旖旎撲碎驪龍明月珠敲出鳳皇五色
髓陋巷蕭蕭風枿枿一作浙浙緬想斯人勝珪壁寂寥千
載不相逢無限區區盡虛擲君不見沈約道佳人不在
茲春光為誰惜

安得龍猛筆點石為黃金

西嶽龍猛大士於硯中磨藥
照筆成金西天有龍猛金其

色散為一作問

一作向

酷吏家使無貪殘心甘棠密葉成翠幄

欸

一作穎

鳳不來天地塞所以傾國傾城人如今如今不

可得

一作所以傾城
人如今不可得

古塞下曲四首

一本無古字亦無四首
二字第三首另題

古塞苦寒地戎馬聚如蠅寒鵬中翳石落在黃河水蒼
茫邏迤城枿枿賊氣興鑄金禱秋穹還擬相憑陵

戰

一作白

骨踐成

一作化黃

塵飛入征人目黃雲

一作塵

忽變黑

戰鬼作陣

一作夜

哭陰風吼大漠火號出不得誰為天子

前唱此邊城曲

日向平沙出還向平沙沒飛蓬落軍

一作陣

營驚鵬去天

末帝鄉青樓倚霄漢歌吹掀天對花月豈知塞上望鄉

人日日雙眸滴清血

狼煙在陣雲匈奴愛輕敵領兵不知數牛羊復吞磧嚴
冬大河枯嫖姚去深擊戰血染黃沙風吹暎天赤

鼓腹曲

我昔不幸兮遭百罹蒼蒼留我兮到好時耳聞鐘鼓兮
生豐肌白髮却黑兮自不知東鄰老人好吹笛倉囤我
我穀多赤餅紅鰕兮拚麋脂有酒如濁醪兮呼我甥往
往醉倒潢洿之水邊兮人盡識孰云六五帝兮四三皇

如夢如龍兮如龔黃吾不知此之言兮是何之言兮

經曠禪師院

吾師楞伽山中人氣岸古淡僧麒麟曹溪老兄一與語
金玉聲利泥棄唾委兀兀如頑雲驪珠兮固難價其價
靈芝兮何以根其根真貌枯槁言樸略衲衣爛黑燒嶽
痕憶昔十四五年前苦寒節禮師問師楞伽月此時師
握玉麈尾報我却云非日月一敲粉碎狂性歇庭松無
韻冷撼骨搔窗擦簷數枝雪邇來流浪于吳越一片閑

雲空皎潔再來尋師已蟬蛻
蒼荀枝枯醴泉竭水檀香

火遺影在甘露松枝月中折

師去世有甘露降于庭松

寶師徃日真

隱心今日不能墮雙血

邊上作三

一作二

首

一本缺第三首

山無緣兮水無清風既毒兮沙亦腥
健兒走馬疾飛鳥
聯翩射落雲中聲

陣雲忽向沙中起探得匈奴過遼水
堪嗟護塞征戍兒
未戰已疑身是鬼

見說青塚穴中有白野狐時時出沙磧向東而號呼號
呼復號呼畫師圖得無

送張拾遺赴施州司戶

道之大道古太古二字為名爭莽鹵社稷安危在直言
須堯階搥諫鼓恭聞吾皇至聖深無比推席却几聽
至理一言偶未合堯聰賈生須看湘江水君不見頃者
百官排闥赴延英陽城不死存令名又不見仲尼遙竒
司馬子珮玉垂紳歷如此公乎公乎施之掾江上春風

喜相見畏天之命復行行芙蓉為衣勝絕絹好音入耳
應非久三峽聞猿莫迴首且吸千年羹醉巴酒

書倪氏屋壁三首

茶烹綠乳花映簾撐沙苦筍銀纖纖窗中山色青翠粘
主人於我情無厭

白桑紅槩鶯咽咽麵揉玉塵餅挑雪將為數日已一月
主人於我特地切

水嬌草媚掩山路睡搓鴛鴦如畫作春光靄靄忽已暮

主人剛地不放去

續姚梁公座右銘

并序

愚嘗覽白太保所作續崔子玉座右銘一首其詞
旨乃典乃文再懇再切實可警策未悟貽厥將來
又見姚崇卞蘭張說李邕皆有斯文尤為奧妙其
于東勗婉婉乃千古之鑒戒資腴矣愚竊愛其文
惟恨世人不能行之十得其二一日抽毫遂作續
白氏之續命曰續姚梁公座右銘一首雖文經理

緯不逮於羣公而亦可書於屋壁云

善為爾諸身行為爾性命禍福必可轉莫慙言前定見
人之得如已之得則美無不克見人之失如已之失是
亨貞吉反此之徒天鬼必誅福先禍始好殺滅絕不得
不止守謙寡慾善善惡惡不得不作無見貴熱詔走斃
斃無輕賤微上下相依古聖著書矻矻孳孳忠孝信行
越食逾衣生天地間未或非假身危彩虹景速奔馬胡
不自彊將升玉堂胡為自墜言虛行偽豔殃爾壽須戒

酒腐爾腸須畏勵志須至撲滿必破非莫非於飾非過
莫過於文過及物陰功子孫必封無恃文學是司奇薄
患隨不忍害逐無足一此一彼諧宮合徵親仁下問立
節求已惡木之陰匪陰盜泉之水匪水世孚草草能生
幾幾直須如冰如玉種桃種李嫉人之惡酬恩報義忽
已之慢成人之美毋擔虛譽無背至理恬和懇暢沖融
終始天人之行盡此而已丁寧丁寧戴髮含齒

上盧少卿覓千文

荆山有美玉含華尚炳爛堪為聖君璽堪為聖君案草
木潤不彫煙霞覆不散野人到山下仰視星辰畔倘或
如栗黃保之上霄漢

謝盧少卿惠千文

廬山有石鏡高倚無塵垢畫景分煙蘿夜魄侵星斗苞
含物象列揆照魚龍吼寄謝天地間毫端皆我有

御定全唐詩卷八百二十七

欽定四庫全書

御定全唐詩卷八百二十八

貫休

大蜀皇帝壽春節進堯銘舜頌二首

堯銘

金冊昭昭列聖孤
標仲尼有言巍巍帝堯承天命罔
厥矜驕四德炎炎堦莫不凋永孚於休
垂衣飄飄吾皇則之小心翼翼秉陽
亭毒不遑暇食土堦苔綠茅茨雪

滴君既天賦相亦天錫德輶金鏡以聖繼聖漢高將將
太宗兵柄吾皇則之日新德盛朽索六馬罔墜厥命熙
熙蓼蕭塊潤風調舞擎干羽囿入萬堯既玉其葉亦金
其枝葉葉枝枝百工允釐享國如堯不疑不疑

舜頌

高高歷山有黍有粟皇皇大舜合堯玄德五典克從四
門伊穆大道將行天下為公臨下有赫選賢用能吾皇
則之無數無逸綏厥品彙光光得一千幅臨頂十在隨

蹕大哉大同為光為龍吾皇則之聖謀隆隆納隍孜孜
孜孜切切六宗是禋五瑞斯列排麟環鳳披香立雪四
裔納賁九圍一作有截昔救世師降生竺乾壽春亦然
萬年萬年

大蜀高祖潛龍日獻陳情偈頌

有叟有叟居岳之室忽振金湯下彼巉崿聞蜀風景地
寧得一富人侯王旦奭摩詰龍角日角紫氣盤屈揭日
月行符湯禹出天步孔艱橫流犯蹕穆穆蜀俗整整師

律髯髮垂雪忠貞貫日四人蘇活萬里豐謚無雨不膏
有露皆滴有叟有叟無實行實一瓶一衲既樸且質辛
蒙顧盼詞煖恩鬱軒鏡光中願如善吉

寄大願和尚

注內缺
三字

道朗居太山達磨住熊耳手擎清涼月靈光溢天地盡
騎金師子去世久已矣吾師隱廬岳外念全剝削擲孔
聖之日月相空王之素籥曾升麟德殿譚無著賜衣三
銖讓不著

太平襄相公與師詩云竟辭聖
主宮中詔來赴遺民社內期

唯思紅泉白

石閣因隨裴楷離京索

時裴公出守鍾陵與師同行

邇來便止於匡

霍瀑布千尋噴冷煙梅檀一枝翹瘦鶴峴首故人清信

在千書萬書取不諾

裴公鎮襄陽頻使迎取師堅不往

微人昔為門下

人扣玄佩惠無邊垠自憐亦是師子子未逾三載能嘖

呻

江西三載誦法華經

一從散席歸寧後溪寺更有誰相親青山

古木入白浪赤松道士為東鄰焚香西望情何極不及

雲說淚空滴

說遠公弟子常在左右

桐江太守社中人還送郗超

米千石

昔郗鑒送米入山與道安

寶書遽掩修章句萬里空函亦何

並終須一替辟蛇人未解融神出空寂

匡山神為遠公侍者 辟蛇人

大師曾 書 不知何緣得

相見惟冲融無相而會耳

上顧大夫

碧海漾仙洲
驪珠外無寶
一岳倚青冥
羣山盡如草
君侯聖朝瑞
動只闕玄造
誰云倚天劍
含霜在懷抱
誰云青雲險
門前是平道
洪民亦何幸
里巷清如掃
至化無經綸
至神無祝禱
即應炳文柄
孤平去浩浩
即應調鼎味
比屋堪封保
野人慕正化
來自海邊島
經傳髻裏珠

詩學池中藻閉門十餘載庭杉共枯槁今朝投至鑒得
不傾肝腦斯文如未精歸山更探討

寒月送玄

一本有道字

士入天台

之子逍遙塵世薄格淡於雲語如鶴相見唯談海上山

碧側青斜冷相沓芒鞋竹杖寒凍時玉霄忽去非有期

僮擔赤籠密雪裏世人

一作上

無人留得之想入紅霞路

深邃孤峰縱嘯仙飈起星精聚觀泣海鬼月湧薄煙花

點水送君丁寧有深旨好尋佛窟遊銀地

佛窟銀地皆天台雲境也

雪眉衲僧皆正氣伊昔貞白先生同此意若得神聖之藥即莫忘遠相寄

上杜使君

為魚須處海為木須在岳一登君子堂頓覺心寥廓右聽青女鏡左聽宣尼鐸政術似蒲盧詩情出沖漠從來苦清苦近更加澹薄訟庭何所有一隻兩隻鶴煙霞色擁牆禾黍香侵郭嚴霜與美雨皆從二天落蒼生苦瘡痍如何盡消削聖君新雨露更作誰恩渥即捉五色筆

密勿金鑿角即同房杜手把乾坤橐籥休說卜圭峰開
門對林壑

送僧入馬頭山

馬頭寶峰秀塞寒空有叟有叟真隱其中無味醍醐亦
非般若白趾碧目數百瀟灑苦竹大於杉白熊卧如馬
金鍾撼壑布水噴瓦芙蓉堂開峰月入岳精踏雪立屋
下伊余解攀緣已是非常者更有叟獨往來與我語情
無剛彊氣透今古竹笠援補芒鞋藤乳北風倒人乾雪

不聚滿頭霜雪湯雪去湯雪去無人及空望真氣江上立

上盧使君

第二十四
句缺一字

夔龍在廟堂雖然有僉議蒼生得父母自是天之意都陽氣候正文物皆鮮媚金鏡有餘光春風少閑地膺門倚寒碧到者寧容易賓從皆鳳毛爪牙悉猿臂樓臺千萬戶錦繡龍歌沸大惠蟲鳥全至嚴龍虎畏可憐召伯樹婆娑不勝翠詩按日月華道嚙神仙味嘉樹白雀來

祥煙甘露墜中川一帶香
開幽邃地逸少情有餘東
山境不啻恭聞聖天子廊廟猶虛位應知黎庶心只恐
徵書至

送顥雅禪師

霜鋒擗石鳥雀聚帆凍陰飈吹不舉
芬陀利香釋麟虎
幡幢冒雪爭迎取春光主芙蓉堂窄堆花乳
手提金桴
打金鼓天花娉婷下如雨
狻猊座上師子語
苦却樂樂却苦
盧至黃金忽如土

和楊使君遊赤松山

為郡三星無一事，龔黃意外扳喬松。
日邊揚歷不爭路，雲外苔蘚須留蹤。
溪月未落漏滴滴，隼旗已入山重重。
捫蘿蓋輪山屐伴，駐旆不見朝霞濃。
乳猿劇黠掛險樹，露木翠脆生諸峰。
初平謝公道非遠，黯然物外心相逢。
石羊依稀薺瑤草，桃花彷彿開仙宮。
終當歸補吾君袞，好山好水那相容。

送崔使君

缺二字

柳門柳門芳草芊綿日日日黯然黯然子牟戀闕歸
闕王粲下樓相別食實得地頗淹歲月今朝天子在上
合雪必雪况絳之牧文行炳潔釋謂緣因久昵清塵王
嘉迎安遠狎遺民婉彼二子厥或相似論文不文話道
無滓士有貴逼勢不可遏麟步規矩鳳翥昂枿峴首仁
蹤項頻跋商雲乳麝香可提望塵 連紫闥吾皇必

用整乾坤莫忘江頭白頭達

白頭達事
見高僧傳

杜侯行

并序

愚自江東兵荒之後受杜氏兄弟深知徃曾見陳
陶與撫州蔡京使君雜言曰蔡氏行今亦擬之曰
杜侯行云耳

天目連天搏秀氣崢嶸作起新城地德門鍾秀光盛時
三虎八龍皆世瑞頃者天厖亂下鯨翻海烽火崩騰照
行在江表唯傳君子營劍衝牛斗疏真宰金昆玉季輕
三鼓煮海懸魚臣節苦鴈影參差入瑞煙荆花燦爛開
仙圃我聞大中咸通真令主相惟大杜兼小杜但能致

君活國濟生人亦何必須踏金梯折桂樹宣宗懿宗調
舜琴大杜小杜為殷霖出將入相兮功德深生人受賜
兮直至今杜侯兄弟繼之後璞玉渾金美騰口常言一
呼百萬何足云終取封侯之印大如斗恭聞吾皇似堯
禹按索賢良皆面覩杜侯杜侯君儻修令德克有終即
必還為大杜兼小杜人之戴兮天筆註國之福兮天固
祚四海無波八表臣如今而後君看取

偶作五首

誰信心火多多能焚大國誰信鬢上絲莖莖出蠶腹嘗
聞養蠶婦未曉上桑樹下樹畏蠶飢兒啼亦不顧一春
膏血盡豈止應王賦如何酷吏酷盡為梭將去蠶蛾為
蝶飛偽葉空滿枝冤梭與恨機一見一霑衣

機生機巧生巧心鑊烘烘日煎炒闔蜀眉嚙遊海島扶
桑堪熟金烏飽金烏飽飛復飛四天下人眼昭昭

孰云我輕薄石頭如何喚作玉孰云我是非隨邪逐惡
又爭得古人終不事悠悠一言道合死即休豈不見大

鵬點翼蓋十洲是何之物鳴啾啾

君子食即食何必在珍華
小人食不食縱食如泥沙
清歌且莫唱妙舞亦休誇
爾非鳳炙麒麟肉焉能一掛於
齒牙
去來去來歸去來
紅泉正灑芙蓉霞

君不見金陵風臺月榭煙霞光
如今五里十里野火燒
茫茫君不見西施綠珠顏色可傾國
樂極悲來留不得
君不見漢王力盡得乾坤如何
秋雨灑廟門銅臺老樹
作精魅金谷野狐多子孫
幾許繁華幾更改唯有堯舜

周召丘軻似長在坐看樓閣成丘墟莫話桑田變成海
吾有清涼雪山雪天上人間常皎潔茫茫慾火欲燒人
惆悵無因為君說

山中作

山為水精宮藉花無塵埃吟狂岳似動筆落天瓊瓌伊
余自樂道不論才不才有時鬼笑兩三聲疑是大謝小
謝李白來

聞前王使君在澤潞居

為善無近名竊名者得聲不如心誠哉是言也使君聖
朝瑞乾符初刺婺德變人性靈筆變人風土煙霞與蟲
鳥和氣將美雨千里與萬里各各來相附信哉有良吏

玄讖應百數

東陽古老相傳有記云刺史滿一百即有好刺史來後有大寇至使君來正當一百

人兩年後果有黃賊來公避地遠去

古人古人自古人今日又見民歌六

七袴不幸大寇崩騰來孤城勢孤固難鋼攀轅既不及
旌旆衝風露大駕已西幸飄零何處去發人空悲哀對
生祠泣沾莓苔忽聞暫寄河之北兵強四面無塵埃唯

祝鑾輿早歸來用此咎繇仲虺才使四野霧廓八紘鏡
開皇天無親長與善鄰宜哉宜哉

將入匡山別芳晝二公二首

一作將入
廬山別僧

噴嵐堆黛塞寒碧窗前古雪如白石臨岐約我來不來
若來須撥紅霞覓

紅豆樹

一作花

間滴紅雨戀師不得依師住世情世界愁

殺人錦繡谷中歸舍去

送楊秀才

北山峨峨香拂拂翠漲青奔勢巉崿赤松君宅在其中
紫金為塙珠作室玻璃門外仙微睡幢節森森絳煙密
水精簾捲桃花開文錦娉婷衆非一撫長離坎荅鼓花
姑吹簫弄玉起舞三萬八千為半日海涸鼇枯等閑覩
愛共安期碁苦識彭祖祖有時朝玉京紅雲擁金虎石
橋亦是神仙住一作柱白鳳飛來又飛來五雲縹緲羽翼
高世人仰望心空勞

別杜將軍

伊余本是胡為者採草鋤茶在窮野偶披蓑笠事空王
餘力為文擬何謝少年心在青雲端知音滿地皆龍鸞
遽逢天步艱難日深藏溪谷空長歎偶出重圍遇英哲
留我江樓經歲月身隈玉帳香滿衣夢歷金盆金華山最高處
雨和雪東風來兮歌式微深雲道人召來歸燕辭大厦
兮將何為濛濛花雨兮鶯飛飛一汀楊柳同依依

送夢上人歸

伊余龍鍾歸海涯千山萬水情自怡夢公別我還上國

江邊慘執行遲遲向我道雲巾覓伴未得伴又示我數
首新詩盡是詩只恐不如此若如此如此即須天子知
蕭蕭金吹荆門口槐菊鬪黃落葉走前程勝事未可涯
但恐圭峰難入手蓮峰掌記韓拾遺鴈行雍穆世所稀
二十年前即別離憑師一話吟朝飢

問岳禪師疾

世病如山岳世醫皆拱手道病如金鎖師遭鎖鎖否

大塵

為世病無為無事
為道病如金鎖

伊昔芙蓉頰談經似主涉蘇合書氣

氤天花似飛蝶覺樹垂寔魔輩刺疾病也不問終不皺

膝

師常坐
不卧也

春光冉冉不上爾質東風浩浩謾入爾室云

何斯人而有斯疾

上荊南府主三讓德政碑

明明赫赫中興主動納諸隍冠前古四海英雄盡戢兵

皆如圯圯

一作
砭砭

天金柱萬姓多論政與德請樹豐碑似

山岳一從寇滅二十年琬琰雕鐫賜重疊荊州化風何

卓異寡欲無為合天地雖立貞碑與衆殊字字皆是吾

皇意君侯捧碑西拜泣臣且何人恩洊及鳳皇

一作詔銜

下雕龍文德昧政虛爭敢立函封三奏心匍匐堅讓此
碑聲蓋國我恐江淹五色筆作不立此碑之碑文不得

施萬病丸

我聞昔有海上翁鬚眉皎白塵土中葫蘆盛藥行如風
病者與藥皆惺惚藥王藥上親兄弟救人急於已諸體
玉毫調御偏讚揚金輪釋梵咸歸禮賢守運心亦相似
不吝親親拘子子曾聞古德有深言由來大士皆如此

甘雨應祈

春雨偶愆期草木亦未覺君侯不遑處退食或閉閣東
海浪滔滔西江波漠漠得不願身為大虬金其角玉其
甲一吸再噴雲平霧匝華暢九有清傾六合使不蘇者
蘇不足者足情通上玄如膏綿綿有叟有叟鼓腹歌於
道邊歌曰麥苗芄芄兮鷓鴣飛日出而作兮日入歸如
彼草木兮雨露肥古人三樂兮我樂多之天之成兮地
之平兮拓系黃兮瓠葉青兮乳女啼兮蒸黍馨兮炙背

捫虱兮復何經營兮

寄韓團練

真宰動洪鑪萬物皆消息唯有三珠樹不用東風力君
子天廟器頭骨何嶢前海內久聞名江西偶相識誰不
有詩機麟龍不解織誰不有心地蘭茝不曾植多君二
俱作獨立千仞壁話道出先天憑師動臻一作
榛極青霄

鴈行律紅露荆花滴偶然成遠別別後長相憶行出鄱
陽郡又見謝安石留我遇殘冬身心苦恬寂江上春又

至引頸山空積何日再相逢天香滿瑤席

春野作五首

閒步淺青平綠流水征車自逐誰家挾彈少年擬打紅
衣啄木

山花雨打盡滿衣如爛錦遠尋鷓鴣雛拾得一團草
大牛苦耕田乳犢望似泣萬事皆天意綠草頭戔戔
斜陽射破冢髑髏半出地不知誰氏子猶自作意氣
牛兒小牛女少拋牛沙上鬪百草鉏隴老人又太老薄

煙漠漠覆桑棗戴嵩醉後取次掃

深山逢老僧二首

衲衣線麕心似月自把短鋤鋤楮青石溪邊踏葉行
數片雲隨兩眉雪

山童貌頑名乞乞放火燒畬采崖蜜擔頭何物帶山香
一籬白草一籬栗

道情偈

草木亦有性與我將不別我若似草木成道無時節世

人不會道向道却喚道傷嗟此輩人寶山不得寶

懷二三朝友

傷心復傷心流光似飛電有惠驪龍十斛珠不如一見
君子面愁人復愁人滿眼皆埃塵有惠黃金一萬斤不
如一見於仁人我昔讀詩書如今盡拋也只記得田叔
孟溫舒帝王滿口呼長者

偶作

君子稱一善馨香遍九垓小人妒一善處處生嫌猜口

如暴死人鐵尺拘不開
稂莠蝕田髓積陰成冬雷因知
咋舌人千古空悠哉

義士行

先生先生不可遇
愛平不平睂斗豎
黃昏雨電空似驚
別我不知何處去

觀懷素

一本有上人二字

草書歌

張顛顛後顛非顛
直至懷素之顛始是顛
師不譚經不說
禪筋力唯於草書朽
一作妙
顛狂却恐是神仙
有神助

兮人一作神

莫及鐵石畫兮墨須入金尊竹葉數斗餘半

斜一作飲

半傾山袖濕醉來把筆獐

一作猛

如虎粉壁素屏

不問主亂拏亂抹無規矩羅剎石上坐伍子胥蒯通八

字立對漢高祖勢崩騰兮不可止天機暗轉鋒鋞裏閃

電光邊霹靂飛古柏身中淠

一作早

龍死駭人心兮目眈

翦

音昷 旭頓

人足兮神辟易乍如沙場大戰

一作戰敗

後斷槍

檄箭

一作斷 骸析骨

皆一作何

狼籍又似深山朽

一作怪

石上古病

松枝掛鐵錫月兔筆天竈墨斜鑿黃金側剉玉珊瑚枝

長大束

一作如

東天馬驕獐不可勒東却西南又扯倒又

一作還

起斷復續忽如鄂公喝

一作捉

住單雄信秦王肩上

剔

一作搭

著棗木槊懷素師懷素師若不是星辰降瑞即

必是河岳孕靈固宜須冷

一作令

笑逸少爭得不心醉伯

英天台古杉一千尺崖崩側

一作岸

折何崢嶸或細微仙衣

半折

一作縫綻

金線垂或妍媚桃花半紅公子醉我恐山為

墨兮磨海水天與筆兮書大地

一作海為水天為筆兮書大地

乃能畧

展狂僧意常恨與師不相識一見此書空歎息伊昔張

渭

一作謂

任華葉季良數子贈歌豈虛飾所不足者渾未

曾道著其神力石橋被燒燒

一作却

良玉土不

一作不土

蝕錐

畫沙分印印泥世人世人爭得測知師雄名在世間明
月清風有何極

送盧舍人三首

一曰勸君不用登峴首山讀羊祜碑男兒事業須自奇
此碑山頭如日月月日照人人不知人不知青山白雲
徒爾為

二曰勸君登商山不用覓商山皓雲深雪深驛馬倒我
願終南太華變為金吾后見之不為寶我願九州四海
紙幅幅與君為諫草使躡禹踐夔逢軒見皞日環五色
是物得老如此即商山皓商山皓君不用討他他必來
相討

三曰君不見釋梵諸天壽億垓天上人間去復來君又
不見紫金為輪一千幅寶洲關四皆臣伏輪王釋梵作
何因祇是弘隆大乘福自古皇王與賢哲頂敬心師刻

金玉報通三世釋迦言莫將梁武為題目君不見近代

韋褒蔣與蕭

韋處厚相國出入廟堂禮佛如朝見君父
裴休相國師事空王信敬無比出將入相

偏重禪門蔣伸相國牆塹空門為大檀越中書藩鎮常
事天王蕭倣相國清德冠世白業常修為佛骨碑見行

於當世

文房書府師百僚代天理物映千古布髮掩泥非

一朝大哉釋梵輪王璞已矣何人繼先覺行行珍重寄

斯言斯不是尋常曲

缺一字

宿深村

行行一宿深村裏雞犬豐年鬧如市黃昏見客合家喜

月下取魚戽塘水

黃鶯

一種為春禽花中開羽翼如何此鳥身便是黃金色黃
金色若逢竹實終不食

送越將歸會稽

面如玉盤身八尺燕語清獰戰袍窄古嶽龍腥一匣霜
江上相逢雙眼碧冉冉春光方婉婉黯然別我歸稽嶽
他年必帥邯鄲兒與我殺輕班定遠

別仙客

巨鼇頭縮翻仙翠
蟠桃爛落珊瑚地
浪濺霓旌濕鵬翅
畧別千年太容易

寒江上望

荒岸燒未死白雲
癡不動極目無人
行浪打取魚籠

讀唐史

我愛李景伯內宴
執良規君臣道昭
彰天顏終熙怡大
簸怕清風糠粃繚
亂飛洪鑪烹五金
黃金終自竒大哉

為忠臣捨此何所之

樵叟

樵父貌飢帶塵土

一作風雨

自言一生苦寒苦


一作暑

擔頭擔

箇赤瓷甕斜陽獨立

一作入

濛籠塢



御定全唐詩卷八百二十八